

潛江縣志卷之三

知縣事劉煥纂修

知縣事史致謨續纂

輿地志

形勝

疆域

山川

鄉區

禹貢職方分州而後代多沿革置郡彌多土宇彌狹禹跡已不可復考鄭夾漈曰州縣之設有時而更山川之形千古不易以山川定經界乘勝據嶮奠厥井邑其鄉其遂爾宅爾止化理張焉核土田之虛實紀圖中之編除前後規畫利弊較然可觀矣作輿地志

潛江縣志

卷之三

輿地志
形勝

形勝

西扼巴蜀之喉北枕襄鄧之臂南亘洞庭之險東連江漢之會三國關羽屯兵于沔潭元季姜珏竊據于縣郭胡文定曰欲固上流必保漢沔矧夫湖陂吞納一葦四通荏苒青叢突圍倏散嘉隆以來三湖重陽之間嘯聚出沒震驚鄉郡崇禎之末邈邇黃荆諸漢千人竊弄翺翔上下深為保障憂

按潛江一望平源廣野無天險四塞之固水陸交衝實全楚上游易曰王公設險以守其國邑猶國也然

則言形勝者固不徒恃乎山川邱陵之險巨而會通之區卽爲要害防衛詎可弛與

疆域

幅員廣袤道里攸分南北西東疆域斯辨稽程限徵事功達乎四境四至八到附列焉

廣三百二里

袤四百八里

東至沔陽州界之上西湖三十里

西至江陵縣界之三湖一百二十里

潛江縣志

卷之三

輿地志
疆域

二

南至監利縣界之蘇湖八十里

北至京山縣界之泗汊湖六十里

東到沔陽州治一百四十里

西到江陵縣治一百八十里

南到監利縣治一百八十里

北到京山縣治三百里

東南到監利縣界九十里

西南到江陵縣界四十里

東北到景陵縣界二十里

西北到荆門州界一百一十里

自縣治到安陸府城二百二十里水路三百六十里
到武昌府城三百六十里水路五百四十里

京師二千八百七十里水路五千八百五十里

潛故荆僻邑自割入郢北至府二百餘里夏秋水漲
繞道倍之馬卒一役輒逾旬按籍番更去者未返亦
勞止矣私嘗過計白泐原設水驛而無隻航曰口驛
去縣一百二十里去鍾祥亦百里則併白泐為水馬

驛議他僻邑濟之不惟利吾潛卽鍾祥亦少甦也舊志

潛江縣志

卷之三

輿地志

三

山川

潛江境內無山王謙大佛寺記云荆之潛江有壽靈山
卧佛禪刹一統志邑志俱無惟省志有之荆州志亦載
壽靈山舊志註云疑卽寺基勢若隆起實本非山今不
復載以遺附會之誚紀實也

清溪嶺 在縣西南長樂鄉六十里

道隆嶺 在縣南五里

柘陂岡 在縣西南六十里

棠林岡 在縣西南六十里有漢壽亭侯屯兵故蹟

沱潛水 在縣北三十里

按爾雅水自江出為沱漢出為潛故曰諸河皆潛也
今縣東河即潛水沱不可考城西沱埠淵為西河故
道經龍淵為馬市潭仰受江流舊與潛合流即吾邑
沱也一統志直江在荆門東南百三十里入潛江平
塘湖達三湖合沱水今一線之派尚納江漲去縣差
遠不與沱合並存之 舊志

漢江 在縣西北即大襄河

舊志漢水經襄而下得名繞縣東北兩岸夾峙至蘆

沱分流為潛

潛江縣志

卷之三

輿地志山川

四

按襄河源出蟠冢山弇州集十道志荆楚之地水駕
山而上者皆呼為襄故襄水之上流亦名襄江即書
云懷山襄陵之義也今俗疑為襄陽而來名為襄水
按陸澄地理記襄陽無襄水襄陽城枕大江即漢江
水非襄水所自出也

蘆沱河 在縣東北三十里

馬市潭 在縣南三里大江自郝穴等口析入數道流

枝江湖分東西二港環柳家洲匯為一潭明萬曆間
漸淤尙有小河今盡為平田失其道

洛江河 在縣東四里蘆泐河流至排沙渡一里復分
一支經深江站入沔有洛江渡今墮

按韓詩外傳鄭交甫遊于江漢遇二女妖服佩兩珠
交甫與語曰願請子之佩二女解佩與交甫懷之去
十步探懷中則亡矣回顧二女亦不見相傳沔陽州
城西四十里瀕漢江范漑市卽交甫遇二女處或曰
二女者湘洛妃也洛之名由此

恩江河 在縣東嘉靖元年知縣敖鉞因襄水衝縣奏
開此河以殺水勢高岸築隄民甚德之今墮

潛江縣志

卷之三

輿地志
山川

五

祭酒魯鐸恩江河記

潛之爲縣以水名地本下是

故水易爲災也夫漢水至蘆泐支出爲潛自排沙流
經縣之北西向南折以達荆通沔天順間北流淤填
乃決高家塢流經治東孝廟時受決處又漸淤爲洲
可田以畀興國正德中洲益廣水益擠而東而西齧
縣治危若亡唇矣前政一諉諸無所爲力民病焉嘉
靖改元之八月敖侯知潛甫三日漢水大至四境艤
舟縣衙愬災市人騎屋以居公私廨宇盡壞向齧處
復善崩侯禱之尋已遂發庾賑民憑高望淤洲激水

曰此不河之乃使河我縣治魚鼈我民乎父老曰洲屬官家奈何侯曰吾爲若請之乃上疏其略曰捐官莊一洲租以永除一縣之患惟聖朝圖之時又有疏乞以重輕帶辨蕪荒逋負及蠲本歲災租道民情甚哀上悉可之下藩憲臣議行於是逋人歸者相望於塗聞開河之役爭持畚鍤而至侯復從父老源委水道得爲淤爲齧之繇乃傍洲剗黃漢之碍爲河七百丈直亘排沙因土爲隄趨之肇工於明年二月十四日以四月四日訖工水乃帖然安流近治無復崩齧

百壞修治復厥舊民用生生乃相與歌曰轉危爲安兮敖公有江公如可借兮我終無殃蓋欲以敖名江也侯聞而諭之曰恩若屬自朝廷宜名恩江以志不忘吾於是乎何與未幾以外艱去潛人莫能留復相與介其里耆洎諸大夫庠之師若弟子於予請記夫儒之爲貴其學有用也學誠有用則獲上治民大至裁輔贊參胥此在也否則雖多亦奚以爲今敖公之救敝興理其敷奏中務當亡矜從獲上也窮迫舒甦亡逋親附得民也水從其道邑固人恬裁輔贊參之

功也非夫有用之學能至是哉余嘗謂治理莫先乎
擇守令而重之今天下郡邑敝瘵豈獨潛哉使盡得
如侯者分布焉豈以不卽大治爲憂然吾聞之始侯
之來白巖大宰實擇使乳保潛人則愚意白巖蓋先
得之但復周且重焉斯至矣侯名鉞字秉之高安人
其學以詩領鄉薦都績溪嘗典文順天擢宿松令所
至名在薦剡在潛之政惟民是務安不知其他潛人
均之爲其民也或呼父母稱神明惡有悛心孱無抑
志去之日皆攀卧涕漣不能已遠慕之而詢諸其境

潛江縣志

卷之三

輿地志
山川

七

者則無異聞君子曰此在古所爲循良吏其由守令
擬臺省者皆此類也當有爲立傳者能詳之

泗港河

在縣北四十里通景陵漢川後塞萬曆二年

巡撫趙賢奏開洩水

疏載河防志

尋因景陵請於上復塞

梁家灣新河

在縣西明隆慶間知縣梁棟因夜汜隄

決於對岸梁家灣開小河七里引入策口大河以緩
其衝今淤

策口河

在縣西北漢水歷襄而下接荆門之新城經

縣境內方之下流也

東河 卽今縣河明天順間高家埰決流爲東河西河
遂塞俗名乾河口

沙口河 在縣東南十里經蓮華寺普護寺白龍灣至
姚家口入三湖今塞

潭口河 在縣東南二十里經新興舖李梅舖蚌殼灘
馬家莊峭步頭入龍灣市今塞明萬曆二年委官議
開未成又潭口河對白馬廟前爲便民河今墮

西河 潛故道今塞自策口南經巴家套廣濟橋東轉
乾河口迹尙存

潛江縣志

卷之三

輿地志
山川

八

夜汊河 襄河支流經趙家臺西南入江陵

文昌河 在縣境西南經柘角廟匯長湖達江陵

通順河 康熙五年開在縣東排沙渡左逕深江站出
仙桃鎮入於漢

班灣河 在縣東二十五里康熙十一年決匯沔陽之
西湖入於漢

許家口 縣東南小河分二支流一逕蘇湖出楊林口
一逕千辛口出栢口達新隄

直路河 在縣東南五十里通官口小河逕沙磯長河

匯洪湖出沌口入江

枝江湖 縣西南二十里江入潛境所匯四通八達之
藪也後淤為小河數道今盡成田

鄭家湖 在縣北六十里長樂鄉

青陽湖 在縣西百里中港鄉今淤

東西白湖 在縣西南五十里通三湖匯倚北湖入郝

穴今為平田

張蓼湖 在縣東南十里通馬市潭今淤

蠟塌湖 在縣東北十五里今成田

潛江縣志

卷之三

輿地志
山川

九

豹臺湖 縣東十五里黃漢院湖中有臺豹隱焉故名

抱頭湖 在縣東南五十里紅花院

平塘湖 在縣西南通江陵三湖

黑老湖 縣南十里崔家院

巴家套 縣西十里西河故道

沱埠淵 在縣西五里西河故道與陸家淵相對今淤

菱灣湖 在縣南十五里

平濫湖 在縣西南四十里

蝦子湖 在縣北五十里

北池南池 縣東南二十里黃漢垸二池相連

觀前池 妙庭觀前道士王蓬遠鑿以瀦水種蓮

淨水池 城西大佛寺前明洪武初僧普知掘土得泉

甚清冽取以供佛因名

鄉區

潛江縣治編戶五鄉一坊編治二十三里

按潛江坊區之設宋元以前無考明成化二年因流

逋附籍增編新附一鄉分五里嘉靖中裁革為鄉五

其西曰長樂鄉縣西六十里北曰太平鄉縣北六十里南曰道

潛江縣志 卷之三 輿地志 鄉區 十

隆鄉縣南五里西南曰中港鄉順治十五年易名長安鄉

縣西南一百里東曰下東鄉順治十五年易名太和鄉縣東六十

里 凡五鄉為坊一坊在城內廂在城外曰坊廂康熙

十年易名畢公鄉知縣王又旦以縣始宋時里先賢

畢漸為紹聖元年狀元舊有坊在縣儒學左廼易坊

廂為畢公鄉凡六鄉

長樂鄉三圖 太平鄉四圖

道隆鄉五圖 長安鄉二圖舊名中港鄉

太和鄉八圖舊名下東鄉 畢公鄉一圖舊名坊廂

康熙二十三年禁革里排徵糧按垸歸鄉以五鄉垸內之沙水老荒田畝盡編入畢公一鄉名曰尾糧鄉圖之名存而籍非其舊矣

長樂鄉垸田

長塢一垸民田

三萬一千三百二十畝五分九釐一毫

更名惠地

一百四十

五畝六分八釐三毫

長塢二垸民田

八千九百五十三畝一分九釐八毫

更名惠地

九十七畝六分

二釐三毫

長塢三垸民田

一萬七千三百九畝七分三釐一毫

更名惠地

六十四畝三分

潛江縣志

卷之三

輿地志

十一

四釐六毫

長塢四垸民田

二萬五千九百三十五畝五分一釐九毫

更名惠地

三百二十

三畝二分二釐三毫

光澤洲民田

四百二十八畝八分一毫

更名官莊地

二百五十一畝八分五釐

三毫

更名光澤地

一萬四百三十四畝九分三毫

古埠垸民田

一萬五千一百八十一畝六分六釐一毫

更名惠地

一百六十畝一

分五釐六毫

坦豐垸民田

二萬六千四十三畝八分四釐一毫

更名惠地

三百七十七畝五分七

釐八毫

獐湖垸民田

一萬五千七百三十三畝一分八釐六毫

更名惠地

七百四十九畝

六分五釐六毫

荷花漁池民田

二千六百四畝八分八釐一毫

栗林垸民田

七千三百一十四畝一分九釐五毫

更名官莊地

一十三畝九分

四釐二毫

更名惠地

五十七畝四釐三毫

蘆花北耳垸民田

八千一百四十三畝九分九釐五毫

更名惠地

八十二畝

七分二釐七毫

丁家捲簾垸民田

七千五百六十畝六分五釐三毫

更名惠地

三百四十畝

三畝二分五釐九毫

潛江縣志

卷之三

輿地志 鄉區

七

青洋垸民田

一萬七千七百七十畝三分三釐三毫

更名惠地

三百九十三畝

九分五釐三毫

長安鄉垸田

南湖垸民田

一萬四千五百三十二畝八分三釐一毫

更名惠地

四十六畝七釐

三毫

七里垸民田

一萬一百三十畝二分二釐四毫

更名惠地

五百四十一畝九分

九釐二毫

田家洲民田

二千二十二畝二分九釐二毫

三台垸民田

一萬二千九百七十畝八分八釐九毫

更名惠地

二百一十四畝四分

九釐
九毫

棠梨垸民田

八千七百四十二畝六分四釐四毫

更名惠地

三百五十三畝四分

一釐
五毫

社林垸民田

一萬三千九十一畝九分八釐一毫

更名官莊地

三百二十二畝

三分
二釐

更名福地

九畝九釐一分一釐

更名惠地

七十五畝九分一釐

七毫

雙家垸民田

三千七十四畝二分二釐八毫

更名官莊地

三十六畝九分七釐

四釐
四毫

毛陶中洲垸民田

一千四百一十三畝七釐一毫

更名惠地

一十八畝二分

三

潜江縣志

輿地志

卷之三

一畝一分
五釐四毫

地埠中洲垸民田

四千六百六十六畝三分七釐二毫二絲

更名惠地

七

花籃垸民田

三千八十九畝一分六釐五毫

董家垸民田

五千七百九十八畝八分三釐一毫

白淤垸民田

一萬三百九十畝五分八釐

更名官莊地

三百六十七畝六分二釐

白淤套更名官莊地

六百六十八畝八分六釐一毫

白淤外套更名官莊地

三百三十二畝六分五釐九毫

白淤灘更名官莊地

四百一十畝四分四釐五毫

黃灘套更名官莊地

一百九十六畝五分五釐八毫

梁灘官洲民田

七百二十四畝
二分八釐六毫

更名官莊地

二千九百一畝

八分一釐五毫

更名福地

五百六十二畝
二分四釐四毫

更名蘄水地

六千

三百六十五畝

黃景垸民田

六千五百二十畝
九分四釐九毫

更名惠地

二十八畝
五分七釐

九毫

新豐垸民田

四千四百九十四畝
一分四釐三毫

更名官莊地內院

四千

七百五十畝
一分一釐八毫

更名官莊地外院

一千四百四十畝
二分五釐四毫

四更名惠地

一千七十二畝
二分六釐一毫

感林垸民田

四千七百五十畝
一分一毫

潛江縣志

卷之三

輿地志

古

永靖洲民田

五千二百五十八畝
三分二釐二毫

更名官莊地

一千一百二十

五畝六分四釐一毫

更名惠地

四十二畝
七分二釐一毫

官莊垸民田

八千六百三十八畝
八分九釐六毫

更名惠地

一百二十七畝
五分

二釐四毫六絲六忽

彭仲垸民田

三千二百四十七畝
六分四釐三毫

長泊枝江垸民田

四千二百三十六畝
三分二釐一毫

白湖垸民田

九千二百六十畝
三分一毫

淌湖垸民田

二萬三千八百七十畝
一分九釐三毫

更名惠地

九十一畝
一釐

八毫

蝴蝶嘴民田 一千二百七十三
畝七分八釐三毫

浩口曾家埠民田 五千四百七十
畝九分六釐 更名惠地 五十三
畝二分

三釐
一毫

柴林顏家垸民田 一萬二千二百七十四
畝八分九釐四毫五絲 更名惠地

九百四十八
畝三釐七毫

返灣垸民田 一萬二千六百七
十一畝一分六釐 更名福地 八千八百
三畝六分

七釐六
毫六絲 更名惠地 二千四百七
畝一分九毫

陳王垸民田 一千九百一十四
畝三分五釐七毫

太平鄉垸田

潛江縣志 卷之三 輿地志 鄉區 五

古隄垸民田 二千三百七
畝三分四釐 更名官莊地 一百八十八
畝五分五釐

七
毫

東湖垸民田 三千五十五
畝四釐五毫 更名官莊地 一百六十五
畝三分八釐

五
毫

丁家垸民田 九百六十畝七
分六釐三毫 更名官莊地 四百二十
六畝七分

五釐
七毫

白測垸民田 一千五百一十畝
八分八釐七毫 更名官莊地 六百九
十九畝

四分九
釐七毫

陶和垸民田 一千二百九十
八畝四分八釐 更名官莊地 一十六畝
三釐一毫

磚橋垸民田

二千九百五十六
畝三分二釐五毫

紅莊垸民田

二千四百三十五
畝五分三釐九毫

更名惠地

二百七十
六畝九分

九釐
九毫

鄉林垸民田

四萬六百四十
八畝七分九釐

更名惠地

二千四百九
十畝一分一

毫

龔家渠民田

七千七百二十五
畝九分四釐三毫

永豐垸民田

一萬四千五百五十
四畝一分一釐七毫

更名惠地

二百六
十畝二

分九
釐

涂家洲民田

二千一百七十
二畝七分三釐

更名惠地

一百二十八
畝七分七釐

潛江縣志

卷之三

輿地志
鄉區

六

九毫

中務垸民田

九千三百三十二
畝三分四釐九毫

更名惠地

五百四十
畝二分三

釐六
毫

長湖垸民田

八千五百八十
八畝三分九毫

更名惠地

四百七十
三畝五分五釐

三毫

邊江垸民田

三千四百四
七分九釐五毫

更名惠地

一百六十七
畝一分二釐

七毫

范家垸民田

四千七百一十四
畝一分一釐四毫

更名官莊地

三百七
十七畝

八分一
釐三毫

更名惠地

三百畝二分
一釐五毫

木頭垸民田 七千一百八十一畝九分四釐一毫 更名惠地 二百九十三畝八分

四釐二毫

直橫垸民田 一萬三千一百一十六畝八分八釐 更名惠地 七十三畝四分一釐九毫

紅花垸民田 一萬四千二百三十七畝五分九釐 更名官莊地 一千四百三十分

一畝二分六釐六毫 更名惠地 二百八十六畝八分四釐七毫

長亭垸民田 一萬二千七百五十分四釐二毫 更名惠地 二千四百四十九畝四分

七釐九毫

紅水垸民田 七千一百六十五畝四分九釐九毫 更名惠地 三百六十八畝八分

二釐

潛江縣志 卷之三 輿地志 鄉區 七

菱芭垸民田 二千三百二十五畝二分五釐三毫

菱灣垸民田 九千二百一十九畝八分四釐五毫 更名官莊地 一百六十畝一分

分四釐三毫 更名惠地 八百八十八畝八分三釐一毫

太和鄉垸田

仁和垸民田 一萬四千六百五十分六釐五毫五絲 更名官莊地 五百八十分

九畝二分三釐四毫 更名福地 一十五畝三分三釐

新興垸更名官莊地 六百八十五畝五分四釐

荷湖垸民田 一萬三千六百九十四畝二釐五絲 更名官莊地 三千一百五十分

九畝九毫 更名福地 四百四十三畝五分一毫 更名惠地 二百五十分

八毫

董家灘更名官莊地四百二十四畝更名福地二千二百

八十一畝一分一釐六毫更名惠地四十畝三分八釐

葛柘垸民田九千一百四畝九分一釐五毫更名官莊地一千六百一十九畝

五分三釐九毫

葛通順更名官莊地一千八百一畝四分八釐五毫

皇莊府垸更名官莊地一千八百六十六畝九分七釐

楊家嘴更名官莊地四百一十二畝一分九釐一毫

戴家垸更名官莊地四百一十七畝一分八釐四毫

潛江縣志 卷之三 輿地志 鄉區 夫

黃漢上耳垸民田四千五百一十四畝九分七釐四毫更名官莊地五畝

三分六釐九毫

何家套更名官莊地二百一十四畝八分四釐四毫

黃漢垸更名官莊地一十二畝六分

洛江河更名官莊地五畝九分九釐

黃漢中耳垸民田一萬三千四百四十分八釐七毫更名官莊地一百

四十六畝七分六釐八毫

黃漢中垸民田二萬五千六百七十分一畝一分六釐六毫更名官莊地二百

八十八畝四分八釐更名惠地六百一十一畝九分九釐九毫

黃漢下耳垸民田 九千八百九十九畝 更名官莊地 二百

五十六畝六分八釐九毫 更名惠地 六十畝五分四釐

道仁垸民田 八千八百二十七畝 更名官莊地 七百八十一畝

七分七釐九毫

團湖垸民田 六千七百七十四畝 更名惠地 二百三十九畝六分

九釐九毫

平澗垸民田 八千六百八十七畝 更名官莊地 三十四畝

四分二分二釐七毫 更名惠地 二百二十三畝七釐二毫

貳祖垸更名官莊地 五百七十三畝

潛江縣志 卷之三 輿地志 鄉區 九

長溝垸民田 三千三百五十五畝 更名惠地 一十二畝一分一釐五毫

夾洲垸民田 二千六百九十三畝 更名官莊地 一千一百三十三畝

三畝六分七釐四毫

中府垸更名官莊地 二百三十七畝

牛角垸民田 二千四百五十二畝 更名惠地 一百三十八畝九分

二釐五毫

牛埠垸民田 四千一十五畝 更名惠地 二十二畝九分八釐五毫

羅楊垸民田 三千九百九十畝

東瀛垸民田 二千五百七十六畝 更名惠地 六十一畝一分六釐

二毫

河汶垸民田

四千八十六畝
八釐七毫

更名官莊地

一百八十五畝五分

二釐九毫

更名惠地

七十四畝
四分八毫

蘇湖垸民田

五千二百四十畝
五分九釐九毫

更名惠地

四十一畝
八分三釐

張家湖民田

四千四百四十一畝
四分五釐六毫

湓泥湖更名福地

四千二十五畝
六分九釐四毫

砂磯長河民田

六千七百九十畝
九釐二釐三毫

更名惠地

三畝一分
八釐八毫

獐雞西灣垸民田

三千三百七十二畝
六分七釐三毫

更名官莊地

九

七十七畝一分八釐五毫

更名惠地

三百四十一畝
七分五釐五毫

潛江縣志

卷之三

輿地志

二

白汶西灣垸更名官莊地

七十三畝八分二釐二毫

江陵荷湖更名官莊地

五百九十二畝
九分二釐一毫

江陵龍湖更名官莊地

四百六十一畝
二分二釐五毫

江陵長湖馬湖更名官莊地

三百二十二畝
七分九釐一毫

院灣并東耳西耳北耳垸民田

一萬一千一百七十八畝一分二釐一毫

更名官莊地

三千七十五畝
二分七釐七毫

更名惠地

九十一畝
九分五釐

一毫

後灣垸民田

六千一百八十四畝
四分二釐四毫

更名官莊地

四畝九分一釐

六毫

上江汊垸民田

九千五百七畝
二分六釐九毫

更名官莊地

九畝二分

下江汊垸民田

七千九百二畝
二分六釐一毫

柴林垸民田

三千四百三十五畝
五分九釐二毫

更名官莊地

一百二十五畝

一釐
七毫

梁泗白水垸民田

一千八百九畝
三分三釐一毫

雙豐垸民田

二千三百八十四畝
二分二釐三毫

邀塌垸更名潞地

二萬一千五百一十七畝
八分八釐四毫九絲

外又荷湖垸籌餉民田

二百二十一畝
七釐五絲

道隆鄉垸田

潛江縣志

卷之三

輿地志
鄉區

三

楊湖垸民田

一萬五千九百一十九畝

更名官莊地

一百三十四畝
四釐四毫

名惠地

六百四十八畝
三分二釐九毫

中泗河更名官莊地

一千五百四十分畝

坨埠垸民田

二萬七千六百七十畝
四分二釐二毫

更名官莊地

五十五畝

三分二釐
五毫

更名惠地

一百七十四畝
六分七釐九毫

新籃垸民田

二千五百九十二畝
六分九釐八毫

更名官莊地

二千二百九十分

九畝七分
四釐二毫

馬家灣民田

一千一百七十九畝
七分一釐一毫

更名官莊地

四百二十二畝

七分八釐
四毫

泥伏垸民田

八千八百三十三畝八分一釐四毫

更名官莊地 一千六百七十

八畝七分七釐七毫

顏家垸民田

五千三百二十畝四毫

更名官莊地 三千八百五十九畝七分

九釐五毫

喬王垸更名官莊地

三百二十七畝九分七釐一毫

劉家嶺更名官莊地

二百八十九畝八分二釐

江家垸更名官莊地

二十八畝五分二釐三毫

崔家垸民田

一萬五千三百七十畝七分七釐九毫

更名官莊地 三百八十

三畝三分九釐七毫

更名惠地

二百二十畝三釐

潛江縣志

卷之三

輿地志 鄉區

三

在城馬昌垸民田

二千一百八十一畝四分三釐一毫

更名官莊地 九百

四十二畝七分五釐七毫

太平垸民田

九千四百九十畝八分五毫

更名官莊地 二萬五千七百一畝

二分四釐八毫

義豐垸民田

八千八百六十三畝九分二釐

更名官莊地 九百五十七畝二釐

一毫

獭獐垸更名官莊地

七百九十七畝七分三釐三毫

計家垸民田

一千六百五十五畝一分二釐六毫

更名官莊地 六百三十六畝

五分六釐八毫

小伏垸民田

三千八十七畝七釐二毫

更名官莊地

五十二畝一分一釐九毫

小官垸民田

七百九十四畝三分五釐一毫

更名官莊地

二畝一分八釐九毫

荻蓬垸民田

三千四百七十五畝六分七釐二毫

更名官莊地

一千七十八畝

九分六釐四毫

沙河垸民田

一千九百七十八畝三分八釐五毫

更名官莊地

四百二十七畝

六分四釐七毫

車墩垸民田

二千六百一十七畝五分八釐四毫

更名官莊地

六百四十四畝

五釐

唐家湖更名官莊地

九千四百九畝五分五釐一毫

潛江縣志

卷之三

輿地志

三

沿江垸民田

三千九百四十四畝五分三毫

更名官莊地

一千三百九十四畝

八分二釐四毫

鄭浦垸民田

九千七百二十一畝六分九釐八毫

更名官莊地

五百一畝三分

二釐一毫

更名福地

八百七十六畝三分二毫

更名惠地

二百二十三分

六釐四毫

黃家方灘民田

五十七畝九分七釐二毫

更名官莊地

九百六十分六畝三分

七釐三毫

更名福地

一百七十六畝二分二釐二毫

更名惠地

一畝五分一釐

一毫

黃獐垸民田

三千九百七十一畝六分九釐七毫五絲

更名官莊地

一百四十分

三畝五分
一釐四毫

克成垸民田 二千四百六十二畝七分三釐八毫 更名官莊地 二百七十六畝

一分四釐七毫

馬湖垸民田 二千五百一十三畝六分九釐九毫 更名惠地 一十六畝四分七釐

一毫

泰豐垸民田 一千八百九十六畝四分五釐九毫 更名官莊地 一百四十八畝

三分八毫

汪二港民田 五千七百三十畝七分六釐四毫 更名官莊地 一千七百六十

二畝六分九釐二毫

潛江縣志 卷之三 輿地志 鄉區 孟

楊伏垸民田 二千五百三十畝六分五釐九毫 更名官莊地 二百九十二畝五分

三釐二毫

楊林垸民田 六千一百八十二畝六分六釐 更名官莊地 二千六百八分

五釐七毫

郭文祥垸更名官莊地 二百六十二畝二分二毫

中洲垸民田 三千二百五十二畝二分六釐三毫 更名官莊地 一千五百一十

中洲嘴民田 一千二百六十二畝四分八釐四毫 更名官莊地 一千五百一十

二畝三分三釐五毫

諸通口民田 一千四百六十五畝七分三釐七毫 更名官莊地 一千八百二十

八畝六分一毫

蝦子湖民田

三千一百一十一畝一分四毫

更名官莊地

七千八百二畝四分

二釐九毫

更名惠地

二畝四分九釐二毫

浦潭垸民田

一千一百九十四畝五分二釐三毫

更名官莊地

四千五百三十

九畝三分七釐一毫

樂豐垸民田

三千三百八十一畝五分八釐八毫

更名官莊地

三千八百六十

三畝四分七釐四毫

三汊垸民田

六百八十三畝一分一毫

更名官莊地

一千四十五畝三分七釐

六毫

潛江縣志

卷之三

輿地志 鄉區

三五

李文匆垸更名官莊地

九千七百九十九畝六分七釐二毫

檢子湖更名官莊地

五百六十七畝八分九釐六毫九絲

金淌垸更名官莊地

五十畝八分五釐五毫

吳家灣民田

一千二百九十七畝二分五毫

更名官莊地

二千九百五十一畝

七分五毫

磨盤洲更名官莊地

五千二十二畝三分七釐四毫

趙林垸民田

四千八百九十六畝八分二釐二毫

更名官莊地

一萬五千一百

八十一畝八分三釐五毫

彭家灘更名官莊地

四千六百一十四畝四分四釐七毫

沙窩院民田 二千二百七十二畝一分五釐九毫 更名官莊地 三千三百二十

三畝三分八釐九毫 更名福地 二千九百二十七畝八分五釐四毫 更名惠地

七十八畝六分九釐四毫

楊林洲民田 三百七十一畝二分一釐 更名福地 一千三百三十八畝二分九釐

七毫 更名惠地 三畝七分七釐一毫 更名官莊地 五百三十五畝九釐一毫

畢公鄉尾田

長塢一院田 八百五十八畝四釐五毫 長塢二院田 一百三十四畝七釐九毫

長塢三院田 一萬七百一十七畝四分二釐五毫 長塢四院田 一千三百九畝

六分二釐八毫 光澤洲田 二十畝七分三釐三毫 古埠院田 一千三百畝九分三

潛江縣志 卷之三 輿地志 鄉區 美

釐三毫 坦豐院田 八百七十一畝五分一釐 獐湖院田 三千二百四畝五分二釐

三毫 荷花漁池田 五百六十二畝四分四釐八毫 栗林院田 一萬一千九分

九分 蘆花北耳院田 六百五十五畝七分八釐 丁家捲簾院田 一千四釐

三百九十八畝一分四釐 青洋院田 一千一百九十三畝二分五釐八毫 南湖院田

一千六百二十五畝五分二釐四毫 七里院田 一千八百二十畝五分七毫 田家洲

一千八百四十二畝五分六釐六毫 三台院田 三百九十四畝四分六毫 棠梨院

四千八百畝四釐六毫 社林院田 三百一十九畝八毫 雙家院田 一百四十七畝六分九釐三毫

分九釐三毫 毛陶中洲院田 三百一十九畝九釐九毫 地埠中

洲院田 三百四十分六釐五毫 二花籃院田 二千三百八十分

家垸田 六百二畝七白泐垸田 一百六十五梁灘官

洲田 二十畝五分黃景垸田 一千二百九十二新豐

垸田 九百一十六畝感林垸田 二千二百八十官莊

垸田 五百一十八彭仲垸田 四千三百七十三長泊

枝江垸田 二千九百九十畝白湖垸田 三千九百二

五洵湖垸田 二千七百六十五蝴蝶嘴田 三百六十

釐三 浩口曾家埠田 一千九百九十九柴林顏家垸田

一萬四百八十六返灣垸田 七千一百三十九夜汊

畝三分三釐八毫 河田 六百四十七畝古隄垸田 一千六百四十東湖

潛江縣志 卷之三 輿地志 鄉區 七

垸田 一千三百七十二白測垸田 一百三十五畝陶

和垸田 七百一十七畝紅莊垸田 一十八畝鄉林垸

田 二萬六千五百畝龔家渠田 二百九十八畝永豐垸田

五十一畝涂家洲田 一十一畝中務垸田 一百一十八畝

長湖垸田 二百七十二畝邊江垸田 六十七畝五

家垸田 七百九十五畝木頭垸田 一百九十五直橫

垸田 二百七十九畝紅花垸田 三百二十九畝長亭

垸田 三百六十六畝紅水垸田 一百七十一畝菱芭垸

田 二百二十五畝菱灣垸田 一千二百四十六仁

垸田 三千六百七
十五畝九毫 荷湖垸田 三百一十畝一
葛柘垸

田 一千九百四十九
畝二分三釐三毫 黃漢上耳垸田 五百一十四
黃

漢中耳垸田 一千四
百三十三畝二分一釐四毫 黃漢中垸田 一千八
百九畝

分二釐 黃漢下耳垸田 一百五十一畝
道仁垸田 二十一
畝八分

二釐 團湖垸田 四百五十九畝
平灩垸田 八十九畝
二分二釐

一毫 長溝垸田 三十七畝六
毫 夾洲垸田 二十畝二分
牛

埠垸田 二千二百三
畝 羅楊垸田 六十三畝二
東灤

垸田 七百一十八畝
河汊垸田 四百五十一畝二
蘇湖

垸田 四百九畝四
毫 張家湖田 六百四十六畝
渥泥垸

潛江縣志 卷之三 輿地志 鄉區 天

田 八百五十六畝
八分三釐七毫 砂磯長河田 一百七十二
垸灣並

東耳西耳北耳垸田 二百一畝三
後灣垸田 一千八
百三十

五畝四分 上江汊垸田 三百七十七畝
下江汊垸田

五釐三毫 柴林垸田 三十九畝
雙豐垸田 一百八
十八畝

分三釐二毫 楊湖垸田 一千一百八十九
比埠垸田 一千
八百

七分七釐 崔家垸田 三千九百二十二
在城馬昌垸

一釐三毫 太平垸田 五百畝六
義豐垸田 三
百

田 六百三十八畝
沙洄垸田 一十畝
車

六十九畝 荻蓬垸田 四十九畝
鄭浦垸田 一千六百一十三
畝八分四釐四毫

九分六釐 垸田 一百七十二畝
鄭浦垸田 一千六百一十三
畝八分四釐四毫

黃獐垸田 五十八畝 馬湖垸田 五百一十一畝 泰豐垸 畝四釐二毫

田 一百八十七畝 汪二港田 九十五畝 楊林垸田 九百

三分一釐五毫 諸通口田 六百四十七畝 蝦子湖田 二千

畝九分九釐二毫 蒲潭垸田 九百六十七畝 樂豐垸田 六百

畝九分七釐七毫 趙林垸田 四百二十三畝 蘆泐河 二千五百

三畝六釐五毫 趙林垸田 四百二十三畝 蘆泐河 二千五百

分四釐四毫 論曰今之鄉區非昔矣潛瀕漢江下流地勢窪瀦土

田崩淤不常故民無百年恒產而家無屢世素封每

水漲隄潰陵谷倏更所謂我疆我理者已不可考按

潛江縣志 卷之三 輿地志 鄉區 三

荆州府舊志潛江湖多於田民夾隄以居成化以前

舊設五鄉一坊垸止四十有八嘉隆間沙洋夜汊繼

決陂澤漸成高隴沿河為隄垸幾半於舊厥後疆畛

盡易糧漁冒亂賦逋民憊又粟地漁田民田三等起

科頭緒繁錯黠民猾吏互倚為奸萬歷五年崑山朱

侯熙洽請清丈更三等為一則改桑絲於稅糧代派

通計實在科糧田一百一十萬二千二百七十畝三

分以五小畝二分六釐一毫四絲八忽折為一大畝

按升定畝糧一升為一畝不分等則一例起科田有

定形賦有定額田若畫一焉侯自爲記記載相沿既

久弊積害生康熙八年邵陽王侯又且痛切民艱復

詳請允丈爲文告於城隍文載量地畝清隱占編戶

平里其徵收分六鄉民困以紓康熙二十三年邑人

彭峻齡等力請於上禁革里排詳見賦役志稅糧按戶隨

田田歸各垸垸歸各鄉民無催徵代收之擾二十九

年清澗劉侯煥來蒞吾潛仍舊籍守成法多方撫綏

徵解有序又清抵虛租搭逃畝除吾潛數十年大害

侯之功德百世不祧矣嗟乎由前而論富庶之風不

潛江縣志 卷之三 輿地志 鄉區 三

可復觀由今以觀法凡屢變其間良法甫立而虐政

旋施此離興嗟樂郊安在民亦岌岌乎殆哉夫戶口

之登耗視乎村墟之盛衰流亡滿目而徒執紙上之

空言曰某某稱沃壤某某堪孳牧何怪乎王成之受

上賞而陽城之甘以下下自署者未易觀乎長民者

務爲久大而與民享其樂利崑山邵陽清澗二公斯

可謂先後一揆者矣

知縣朱熙洽清田記 或問田必有畛制也惡用清

曰爲畛之不明故清耳曰畛何以不明曰楚故多水

患而潛于楚撮土也襄漢會流決口數四已而渾沙
漸積湮沒界址民惟視強弱藝治而田額紊矣且漁
湖徙入民田漁稞輕富者利糧之輕非漁田不收而
鬻者亟于求收則以糧田假漁田以售卽存糧不顧
也是以有田者無糧糧多者尠田而糧額又紊矣又
有王府太府官莊之田顯承等衛籽粒之田巨邑之
中十居三四以蕞爾之地供朝廷宗廟陵寢與夫山
川社稷百神之祀餉邊養士班俸給驛之需咸取足
于田而田復不清民何以瘳余用是傷之也請于當

潛江縣志

卷之三

輿地志
鄉區

三

道而當道亦憐而從之于是窮二年之力冒燠寒之
禁涉履詢計規復原額而豪強者惡其害已也謗議
百出幾成貝錦余喟然曰此非余事民事也彼讒者
直病余耳如罷民何天若愛民必濟此事而今果幸
而告成以復原額之舊甚哉天之愛民深也余何力
之有焉

知縣朱熙洽請清丈詳文 職自念才識寡昧到任
未久日擊時弊雖皆有慨於懷而極拯民難惟在去
其太甚其諸可言而不可行者不敢冒昧以瀆清聽

切見本縣之弊莫甚於錢糧之不清而歲稞之虧實始於田地之相混豪強乘利便連阡陌而賦無升合之輸貧民以賠賦無立錐而歲受誅求之苦耕者因無界段而互相爭攘輒以小忿而構大獄役者因無恒產而終年逋負積以數兩而至數千每逾期則瑣尾充庭而推究其原多甲逃而乙代按稽冊籍則業產開載而夷考其實皆產去而額存甚至戶口仍洪武之舊而數人共頂一戶得躲閃以遂其奸謀淤田冒漁糧之名而沃土接畛連坵避重就輕不輸租

賦差民無計可免則以逃竄爲良圖奸民有隙可乘則以投獻爲上策竊觀全楚之弊未有如茲邑之甚者也是以承奉德音思欲清丈然積弊已久一旦更新小民之所深欲而大姓之所不便流言易動怨讟朋興事未發而釁已滋功未成而任已改所以志節之士欲自奮以圖功而遷代之餘鮮克終而奏績也伏望主持在上斷然必行使信令不阻于奸豪而規畫不撓于羣議則職得效尺寸之勞而潛民永沐生全之賜矣

又請清漁糧詳文 漁糧之設各該州縣湖池多者設河泊所而隣境州縣湖池少者以其稞就近附于各所本縣地界窄狹湖池間雜西南則遞江陵縣倚北湖河泊所東南則遞監利縣分鹽河泊所正東則遞沔陽州到河河泊所東南則遞景陵縣葫蘆三灣河泊所歲有常稞載在赤歷但稞雖屬于各所其地皆在本縣腹裏強有力者據爲己業享利無窮且自夜汊水渰之後地名三湖一帶淤成膏腴一望漫漶莫知頃畝而糧不滿數石民心因已不平矣且乘便

潛江縣志

卷之三

輿地志
鄉區

三

置產專務便宜買者非輕糧不收賣者非輕糧不售貧民追呼救急則以秋糧捏作漁糧者有之豪強肆爲巧詐則以漁糧罩占民田者有之甚至田在腹內冒名漁田而秋漁二糧兩無輸納者有之藉以業甲包占民田而逋戶糧差全然不辦者有之是以田連阡陌者無擔石之糧而貧無立錐者多賠賦之苦生民日困逃竄日多田地日荒逋負日積皆由于此本職蒞任以來目擊斯弊具由通申院司道府已蒙批允將通縣界內田地逐一丈量又經覆丈抽丈磨算

明白攤糧外至如漁田一節除界外湖池不屬本縣者本職不敢預知其原在界內與糧田相間者責令各民自丈自報據各業總開造舊額新買人戶姓名糧石數目及坐落地名冊籍呈縣又據續買人戶呈遞糧石手本逐一查對與冊相同仍復對眾細審俱稱倚北漁糧每糧一石遞年連春鈔徵銀一錢五分此外并無別差與秋糧田大異除原湖水聽辦本稞外每漁糧一石加高田一十三畝低田則二十畝完納漁稞不派民差此外餘田係是無糧地土方派秋

潛江縣志

卷之三

輿地志
鄉區

三

糧又查逃絕人戶該此遞年無徵者除各總分認數猶未足則有何七老沒官田一千八百畝坐落本縣地名白龍灣與該所相近土民徐京告領前田出辦漁稞已經申明批允議將無徵稞米坐于前田其田荒熟不同照十三畝二十畝例總計一千八百畝認漁糧一百二十石地與該所相近既便徵收而虛糧皆有實田永無虧兌又查本縣地名邈邇湖原坐有沔陽州景陵縣葫蘆三灣所漁稞及縣民曾本洪等買該州沔河所漁田皆坐本縣腹內原係報有箍畝

今該照數除田與各民完稞又查縣民謝勤張伏善等買有沔陽州別河所監利縣分鹽所湖池亦坐本縣界內該油麻銀二十兩八錢八分每兩扣田五十畝與完前稞又查縣民關善慶等原辦葫蘆所水面銀三兩九錢三分每兩扣田五十畝出辦稞銀各項多餘田地方攤民糧在該所田有坐落糧有實在按籍了然無隱沒之患在本縣收拾剩田均攤糧稅取諸羨土無額外之求此誠兩利俱益之道亦足國裕民之圖也

潛江縣志

卷之三

輿地志
鄉區

三五

京山知縣鄭臯清田記 明興稽古定制詔天下有司墾田以聞大司徒則壤等其賦載在尺籍藏之天府以其副下所司風誥天下布信黔首至彰明較著矣薄海內外世奉法惟謹以給公上罔敢媮且承平日久民益殷富規田常累鉅萬賦每失額爲彫窶因府庫尺籍漫漶卽良吏抱策莫能覈始慨然發憤慕古均田之議思畫一籌以維之而楚方爲急楚之屬潛尤急蓋潛地卑衍當漢水建瓴之勢歲墊輒齧田廬紊經界遂不可問邑多積逋民或從而避役以故

嘗損歲輸爲司牧憂至勤璽書督課莫能辦有由然
哉居亡何吳郡明山朱侯來主是邦邦之父老薦紳
士咸加額曰吾聞朱大夫天才綺練以文名今舉進
士來知吾潛將以學盡究於政而潛爲軻首潛眈其
永有賴乎潛故環堵而城無樓櫓堅壁之固邑人常
患之謂潛雖蕞壤實金陵上游扼塞則荆郢襄鄧可
以無事議者欲奠金陵莫若安荆郢襄鄧欲安荆郢
襄鄧宜莫如城潛一日父老相扶攜以城請侯蹶然
曰勤哉諸君之軫念於桑梓也顧政有要焉有宜城

潛江縣志

卷之三

輿地志
鄉區

三

者有所以城城者不可以無審昔孟夫子子輿譚仁
政先經界而謂城郭不完非國之害此豈誠緩自衛
耶蓋經界正則分定分定則役均役均則民力裕力
裕則有其衛矣雖不城郭庸何病卽欲修而城郭徐
而舉之鱗集易辦斯政之理也父老唯唯退明日以
其事白當路當路稱侯賢允其議始約法下令閭閻
環潛之疆土而度之遴公正劉爾宇肩其任各受戒
以往計畝分步衍沃埤壩悉入版圖之數無敢欺嫚
者頃之咸以其籍上侯侯坐嘯曰得無贖乎何成之

捷也時復出不意歷荒陬窮壤閱數田畝咸如籍乃親總潛之賦而均之俾與畝稱田無浮於糧者撫流民業其土民咸願輸貲以佐成役侯惻然復廉其直以請當路當路曰可其聽民便遂布爲令令出吏民罔不懾神明歌來暮謂數百年之蠹賴明侯一旦釐之矣而所輸益饒於是始庀工爲城守計且視糧額上下其役而以民之輸質木與石出納惟明民乃私相戒曰曩者大夫履畝勞在足民今舉城役勞在衛民大夫職其勞以遺吾逸奈何復自愛乃民無少長

潛江縣志

卷之三

輿地志
鄉區

三

踴躍赴工委土壘障增障飾雉惟恐不亟甫四閱月且竣事當路益賢侯政踔躒獨惜其用之小爾假令朱侯秉軸主事以均潛者均四海以城潛者城九關無異理焉然亦自潛始矣夫孟子子輿不獲正經界於滕漢儒董膠西師丹輩屢肇限田議亦不竟其施越六百年而李安世始僅僅行於魏又四百年而宋倣之爲方田均稅法當時稱便迨今去宋五百年而我明山公傑然自建試於潛輒效甚得黔首歡心明興一百禩稱均平吏材一見朱侯耳詎不焜燿史册

哉余與侯謬連通籍又幸偕吏茲土樂二政之告成而欣邦人之塗詠也於是冒昧敘諸末簡若侯之善政矚然爲世程余不容言二者最著甚故特表而出之餘俱類此矣

邑大參袁國臣清田記 高皇帝郡縣天下授民常業田與稅埒焉率土皆然吾潛地方百里稅僅僅以萬計茲云不清而復清者謂之何蓋潛之爲邑當漢流下自嘉靖以來漢水數漲漲則田沒而民徙田沒則經界淆民徙則故業失猾里豪右往往乘此蠶食

潛江縣志

卷之三

輿地志
鄉區

三

之間漁田屯田與民田犬牙錯如而民田之稅較漁屯所輸不啻十之七八小民欲紓目前之急率影射以售以故阡陌其田者無升合之稅稅至數十石者地鮮立錐傲也久矣前令歲更代易比至邑故不悉又不有籍可稽咸承訛襲舛濫觴獄訟而國計之逋民用之誑日甚焉且潛爲輿邸湯沐故無城當路移文城之爲保障而疲瘵之餘公私磬懸相視莫敢發猶然據賦稅額數而坐派焉意謂親于吾身可幸免夫緇及矣其如民何頃明山朱侯至甫視事諸司築

城之檄急於星火侯召見父老問財力所出狀父老具告前議且刺刺稱不便侯曰公家一切緩急何者不倚辦田稅乃潛之民田者不稅稅者不田若此竊慮溝中瘠罔所蘇息復執此爲勿亟之役是猶窶人枵腹猝責以肩重鮮不仆矣顧成案已具勿庸議城且議田稅於是決策當路請清之旣得請乃屬部下民令曰爾惟彼疆之正毋爾越吾有罰又令曰爾惟自報之悉毋爾隱吾有罰又令曰爾惟互察之詳毋爾縱吾有罰侯則又斤斤焉持三尺法日驅手足耳

潛江縣志

卷之三

輿地志
鄉區

三

目以從之雖時炎暑暴行赤日中未始有厭勸意亡何恣睢者流鑠金之口道塗騰沸蓋撓之也侯曰吾信吾無他腸已耳安能快彼羣囂以魚肉我民哉晝夜矻矻手持田稅大較而哀益其間他如陂池林莽稍從寬等漁稞籽粒不失舊額以萬厯丁丑十月而計籍成按其籍行之匪直財力適均城成不日而獄訟斬然熄兩稅應輸者至擁公庭不得遣境內喁喁頌說平治若重覩高皇時也嗟乎如侯者難哉難哉今之人抵掌而計天下無難爲者及當事變紛綸首

尾牽制靡不逡巡卻步爲自全計乃侯破百年積弊
與民更始羣射四至一不爲動如砥柱然要之守以
見定才與誠合爾爾不然幾何而不爲所中格哉夫
率舊無過循故遠非一恒人能辦矣侯豈好爲多事
以趨赫赫者耶弊則掃而更之且爲來者張本所願
後之君子朝夕修之以保有終則召父杜母後先焜
耀豈惟潛民之休不佞幸矣

邑學使劉垓清田記

潛爲興都重地當江漢上流

頻年洪水爲害田是用圯疆堙井沒戶移賦易有無

潛江縣志

卷之三

輿地志
鄉區

罕

田而糧者有無糧而田者有田與糧不若者且也豪
民鬻田不鬻糧豪民利貧民病矣橫民藉田以增糧
橫民利平民病矣其或民則隱田以負賦也而敢於
賦上上則計賦不計田槩民而征之而敢於賦下上
下交相病矣嗟嗟仁政始經界經界不正仁政謂何
然潛民病潛民安之有創爲畫一之說者卽民用駭
何以故樂因循而便私圖也今上加意舊邸慎選守
令乃以明山朱侯來令潛侯下車首詢民利病謂清
田均賦爲吾潛第一務始謀之左右左右難之告之

齊民民猶有譁者侯曰吾不能爲吾潛長子孫顧獨不能爲潛子孫謀乎且而徇一時之好以矯民譽孰與建百年之利以貽民安也彼民何知安與慮始乃毅然行之上其事於監司於御史及御史大夫咸報可於是選於眾得公正劉爾宇者總其事先理邑隣界彼我疆理犁然森然不得淆吾境也次理邑中界曰府田軍田因其舊勿籍制也曰漁田清其奪吾民者以歸民而存其爲漁者法也家各爲丈丈畢則受成於里里各爲丈丈畢則受成於公正懼公正之或

蔽於里也捲簾總丈丈有餘田者罰懼公正之或私所好也履畝抽丈丈有餘畝者罰又懼田之不能以一則齊也沃壤水澤糧各有差而藉僞以亂真者罰時且奉詔建城垣民力告匱乃遴其田之兼於豪猾者悉輸官令得入錢扞業以爲建城費蓋於清畝中且寓繕城法法具令行意周事舉故不暮年而城工完又不踰時而田事竣舉向之難而譁者咸欣然悅翕然誦舉手加額慶千百年之美利而歌樂土焉經始於萬厯丙子之夏成功於次年丁丑之秋功成問

記於余余始不難侯今亦豈能誦侯雖然侯以利吾民也侯利在吾民功在國家豈嗣余誦顧民利而民忘之而吾不以播告如後事者何因謂有非常之人然後有非常之功故曰非常之原黎民懼焉藉令侯唯民是悅優游月日而無所事事豈不足以獵聲華取上秩顧如吾民何侯懼不傳舍吾潛而父母潛也故以身任事以事抵怨而事之成也眾利興矣何也田均則賦平賦平而人爭輸焉上以裕國計而基化理利一里各爲戶戶各有籍卽勢猾奸宄不得以逞

潛江縣志

卷之三

輿地志
鄉區

里

竊併恣影射于以安民生而杜爭端利二鬻人者計田爲糧計畝爲值值不得損糧不得增彼奇貨乎富民者雖欲爲增益糧價之說安施乎而世可無子孫憂矣是富民得免於他日患利三鬻於人者田去則糧去糧去則役去無田利亦無田害舉懸磬之民皆安堵焉而貧民得免於今日患利四昔限田均田之法不行久矣有能憫昏墊之民懲放析之弊而與民更始卽古循良吏奚過焉偉哉侯之是舉可與古人均茵苻矣或曰賦清宜損何家丈而家益之此不睹

其全而見其偏也夫賦不患多患不均也昔偏多者七八少者二三是害眾而利獨也今一洗而平之眾舉輕矣不亦可乎或曰田清宜增何家丈而未必家益之此舉其偏以病其全也夫田不患寡患不清昔也擅利者七八輸國者二三是私多而公寡也今舉而歸之官矣脫漏者誰將焉逃乎余獨念國家多事在處爲然潛其小者也徽歛有絲絹之爭徐海有沒徒之苦三晉有地折之虞沿邊有清屯之議安得侯而人者以張主廟謨而利厥民乎噫上方嚮意吏治

潛江縣志

卷之三

輿地志
鄉區

聖

旌任事臣侯當往膺之且天旣以侯畀吾潛未必不以侯畀天下顧侯非吾潛之可私而潛則先利之彼不習吏治視已成事今日之事可視哉乃記之侯善政縷縷茲以清田記不他悉

知縣王又旦清丈告城隍文

維康熙九年歲庚戌

八月朔乙酉越十三日丁酉沱潛令王又旦視潛事兩年矣憫天災之無已傷田畝之變遷察賦徭之偏累思爲上安下全之道前歲七月已以清田均徭諸務請于院司道府各憲台檄曰可至今年七月田漸

次就清將有事于編撥乃具牲醴告于本縣城隍之神方南郡全盛潛久矣爲污澤水草之所滋魚鼈之所宅也西山之役死徙者半而陽侯之虐乘之則此地之不爲邱墟幸矣人民轉徙田疇淆亂有人去田存者有田已沈塌無可究詰者有貧弱之田爲豪右欺占者有貧弱鬻田遺租存戶者有以田轉售勒己之別租與人而自存無賦之田者有以本戶不毛之土推入他人逃戶者有以他人已逃之腴產踞爲己業者有以本戶之田妄指僕丁詭名以爲逃田者有

潛江縣志

卷之三

輿地志
鄉區

四

父子兄弟之租互推不認者有以本戶腴產詭名尾糧以避差徭者嗚呼殆哉奸人之利貧弱之害也田畝之恩國賦之憂也此天子所不知執政所不聞院司道府已知已聞勢難屈其尊爲下邑清釐是長吏之責也夫是長吏之責也夫夫田畝清則多寡自出歸併明則隱匿自除照畝受糧則偏累自消秉公執法則賄託自遠如是已矣嗚呼且自束髮授書于古賢豪者流私淑頗久至今以區區微秩薄遊江臯然受朝廷一命之榮竊欲自附于委吏乘田之義豈能

以七尺之軀箝鞫蹙奉豪右之悅乎自今以往如有快已之私洩已之憤受人之託畏人之勢編僉不公乘亂取利伏願明神立加誅殛以爲作吏徇私之戒如有奸胥舞文增減任意或猾里詭寄多端冀望巧卸願神卽行發覺使得立寘于理開百年之樂利崇奕世之馨香當在是也尙享

黃里清田記 善養民者必先於治地治地之法自經界始也古者賦準於田田畫於井井別於鄉於以阜民生而成風俗王道之大端具是矣兼并之害起

潛江縣志

卷之三

輿地志
鄉區

畧

飛詭之弊滋於是有田無畝或有畝無田無畝之田不足於賦無田之畝有餘於科又或賦非其畝則越疆而跳役或畝止存其戶則貿主而賤差天下之通患也昔潛之民有不願爲里之長者矣且有不願爲里之戶者矣不願爲長里之窮也不願爲戶甲之黧也里之甲十其役以次爲差皆長也其制不易十年以前於一甲之戶復僉甲首十人計一里爲甲首百人合一邑鳩之則且數千人矣里長十年一役故有待年之期甲首每歲在公竟無寧家之日朔望之朝

直卯赴比籍縲敲撲喧闐盈庭振古迄今未之有也
小民岌岌如蹈湯火有鬻妻子獻田宅幾倖一脫徙
者甲脫則乙復承訖無窮已哀哉此一方民盜就猛
虎不近碩鼠矣若夫窮里之害則又同于甲也邵陽
王公以名進士來蒞茲邑甫及下車邑勢民情列如
觀火爲治朞月百節釐舉里之長甲之首有號於庭
者公曰是不得問之民也視賦役之所自出者而已
於是謀之紳士謀之耆碩因以告於憲長誓於隍祠
乃申儆六役爰釐爾成區畫疆理檢定戶籍土著者

潛江縣志

卷之三

輿地志
鄉區

哭

必核其人逃亡者必詳其地原隲墳衍川澤之污體
形惟肖凡漏弓匿畝改形滅等析名詭戶擿發如響
鄉以內量度勾股之所及有神明式之如公之履畝
而稽也事既竣擇吏之能書計者若干人局置公廨
朝晡放衙躬自編校以鄉規田以田均畝以畝定賦
里準於田長準於賦凡爲鄉者五爲里二十有三而
更坊廂之三爲畢公里以處薦紳之在城市者畢公
者宋紹聖狀元畢漸也於以景先達詔後進猶曰鄭
公鄉云爾冊既定榜於四門里長之窮而無告者甲

首之欲鬻妻子出田宅者皆落其名籍如解倒懸如說桎梏於是貧弱者以起逃亡者以復歌舞嬉遊之風達於四境酒食慶勞之節洽於比鄰蓋至是而潛民始克有寧宇也自井田之法壞儒者輒思復古終以不得要領徒滋煩苦耳今使田不越鄉賦不出里卽鄉田同井之制也里之長甲之戶鱗次而居非其親識則其鄉黨邑有徵斂朝發夕徧不煩裹糧而趨重趂而復也父與父相狎子與子相優緩急有無足以相貸賦有定額輸有常期取派不至多寡其數稱

潛江縣志

卷之三

輿地志
鄉區

三

收不至上下其手揖讓而入歡踴而出卽百姓親睦之理也無浚溝深洫之勞有越陌度阡之樂公之法孰謂非井田之遺意乎公爲治悉本經術而體之以誠周之以識行之以敏達之以強故事成而民不擾其善政載邑乘不可殫述而清田一事條分理擘纖悉詳盡其均里豁甲又軫民之大者也公名又且字幼華號黃湄陝西西安之郃陽人順治戊戌進士康熙戊申來爲邑宰今甲寅冬以廉能最 召試南省勲業未可量也所著有蔚庵山中集漢渚近稿行於

世嗟乎潛之爲長令者前之人吾得聞之矣吾得見
之矣後之君子宰斯邑也怙斯民也善斯法也舍斯
人其誰與歸

潛江縣志

卷之三

輿地志

吳